

ISTIADAT KERJAN DATO' SERI AMAR DIRAJA

1. Tujuan

Kertas ini disediakan adalah bertujuan untuk memaklumkan kepada J/Kuasa Induk Pesta Adat Perpatih berhubung dengan Istiadat Kerjan Dato' Seri Amar Diraja Abdul Rahman Bin Abu Bakar, Orang Empat istana untuk dimasukkan dalam salah satu acara Pesta Adat Perpatih Tahun 2000.

2. Latar Belakang

Latar Belakang Gelaran Pusaka Dato' Seri Amar DiRaja:

- 2.1 Raja Melewar telah dilantik menjadi Yam Tuan Negeri Sembilan dalam tahun 1773. Walaupun Pusat pemerintahan berpusat di Seri Menanti tetapi Yam Tuan Raja Melewar menetap di Penajis, Rembau. Dengan itu keperluan timbul untuk mengadakan satu sistem pentadbiran di Sri Menanti semasa Baginda berada di Penajis, Rembau.
- 2.2 Yam Tuan Raja Melewar telah berkahwin dengan Cik Puan Seni dari Suku Batu Hampar Sungai Layang anak Dato' Penghulu Naam, Penghulu Ulu Muar. Untuk memenuhi keperluan pentadbiran di Sri Menanti, Yam Tuan Raja Melewar telah melantik dua orang iparnya dan dua orang sepupu isterinya menjadi Orang Empat Istana untuk mentadbir Istana Ampang Rambai di Sri Menanti. Mereka yang telah dilantik adalah seperti berikut :
 - 2.2.a. Abang Ipar Yam Tuan Raja Melewar
 - i) Dato Merah Bin Dato' Naam di gelar Dato' Seri Amar Diraja
 - ii) Sipi To' Seri Bin Dato' Naam di Gelar Dato' Raja Diwangsa
 - 2.2.b. Sepupu Isteri
 - i) Dato' Chantik di gelar Dato' Penghulu Dagang
 - ii) Dato' Molek digelar Dato' Akhirzaman
3. Setakat ini seramai 12 orang keturunan Dato' Merah telah dikurniakan gelaran Pusaka Dato' Seri Amar Diraja. Penyandang terakhir ialah Allahyarham Bador Bin Dusun yang telah kembali ke Rahmahtullah pada 3hb Mei 1999.



Istiadat mengadap buapak, besar waris, ibu soko serta anak-anak buah kepada Dato' seri Amar Diraja



Istiadat kerjan Dato' Seri Amar Diraja Orang Empat Istana Suku Batu Hampar Air Kaki Yang Jernih, di kampung Sungai Layang, Seri Menanti

4. Dengan kerapatan anak buah, buapak dan ibu soko dan dengan limpah perkenan DYMM Yang DiPertuan Besar Negeri Sembilan, Abdul Rahman Bin Abu Bakar telah dikurniakan gelaran Pusaka Dato' Seri Amar DiRaja ke-13 pada 4 November 1999.

Pengenalan Istiadat Kerjan Dato' Seri Amar DiRaja

Istiadat Kerjan Dato' Seri Amar Di Raja diadakan adalah bertujuan untuk:

- i) Memaklumkan kepada semua anak buahnya dan jiran setempat serta menjamu anak buah di Suku Batu Hampar Sungai Layang Lingkungan Air Kaki Yang Jernih, dengan menyembelih seekor kerbau berhubung dengan gelaran pesaka adat yang baru diterimanya
- ii) Mendirikan adat dengan melaksanakan majlis mengikut adat istiadat yang diuca dan dipakai.

3. Tatacara Istiadat Kerjan Dato' Seri Amar DiRaja

- 3.1 Acara dimulakan dengan Istiadat Bedak Langir di rumah isterinya
- 3.2 Berjalan dengan diiringi paluan kompang ke Rumah Telapak di Kampung Sungai Layang, Sri Menanti.
- 3.3 Sesampainya di Rumah Terlapak
 - i) Beras kunyit ditaburkan oleh Waris Pesoko
 - ii) Duduk di atas tilam pandak bersama 'ganti ibunya' di sebelah kanan.
 - iii) Waris pesoko duduk beratur di sebelah kiri
 - iv) Orang Besar Waris disebelah kanan diikuti oleh Orang Seadat dan Seresam.
- 3.4 Perbilangan Adat - kata-kata aluan oleh Dato' Mangku
- 3.5 Pengisytiharan oleh Dato' Dio Maharaja Buapak Suku Batu Hampar Sg. Layang Lingkungan Air Kaki Yang Jernih
- 3.6 Istiadat mengadap - Besar Waris, Waris Pesoko, Orang Seadat dan Seresam
- 3.7 Persediaan Alat-alat Kebesaran
 - 3.7.i Alat-Alat Kebesaran Atas Rumah
 1. Pentas Datuk Lembaga 3 tingkat hujung serambi -tutup kain
 2. Tilam berulas 3 tempat ganti ibu Datuk Lembaga
 3. Gunung berangkat dibelakang pentas

4. Fajar menyinsing (Tabir di atas pentas dan kain lain)
5. Tabir langit-langit hujung, pangkal dan dalam rumah ibu
6. Tabir panjang hujung, pangkal dan dalam rumah ibu
7. Tikar rompok hujung, pangkal dan dalam rumah ibu
8. Kain sampaian 12 sampaian (8 diluar serambi dan 4 dalam rumah ibu)
9. Palut tiang tengah 1 (Kain hitam)
10. Gajah menyusur (kain putih panjang)
11. Palut tiang tangga (kiri kain hitam kanan kain merah)

3.7.ii. Alat-Alat Kebesaran Atas Tanah (Hujung Taman)

1. Payung Kuning
2. Keris Panjang
3. Pedang Panjang
4. Panji-panji (Tonggol Kuning)
5. Panji-panji (Tonggol Merah)
6. Panji-panji (Tonggol Hitam)
7. Tombak Berambu

3.7.iii. Alat-Alat Kebesaran Tempat Kebesaran Tempat Berbedak Langir

1. Tempat berbedak langir selang atap
2. Tabir panjang keliling dan tabir langit-langit
3. Bedak limau - daun-daun - tepung tawar dan bekasnya
4. Perasapan dan kemenyan